

INUIT ATAQATIGIIT

Inatsisartuni



Nuuk, 7. december 2017

Inatsisartut Suleriaasianni § 37 naapertorlugu apeqqutit uku Naalakkersuisunut saqqummiuppakka:

- 1. Aalisarnermut piniarnermullu tunngasuni Kalaallit Nunaanni Tuluit Nunaannut sunik atuuttunik niueqatigiinnissamik isumaqatigiissuteqarpugut?**
- 2. Tuluit EU-mi ilaasortaajunnaarnissaata malitsigisaanik Tuluit Kunngeqarfiannik nutaamik niueqatigiinnissamik Naalakkersuisut sunik suliniuteqarpat?**
- 3. Tuluit EU-mi ilaasortaajunaarnerata qanoq Kalaallit Nunatsinnut kinguneqaateqarnissaa pillugu Naalakkersuisut qallunaat naalakkersuisuunik oqaloqatigiissuteqarpat?**
- 4. Kalaallit Nunaata maanna Tuluit Kunngeqarfiannik akitsuusersugaangitsumik niueqateqarnerata attatiinnarnissaa pillugu Naalakkersuisut sunik suliniuteqarpat?**
- 5. Tuluit EU-mi ilasortaajunnaarneratigut EU-p aalisarsinnaanermik pisinnaatitaaffii pillugit isumaqatigiissutaasa qanoq sunnerneqarnissaannik Naalakkersuisut ilimagisaqarpat?**

(Inatsisartunut ilaasortaq Aaja Chemnitz Larsen, Inuit Ataqatigiit)

Tunngavilersuut:

Ulloq 23. juni 2016 Tuluit Nunaanni innuttaasut EU-mit aninissaq aalajangiuppaat. Brexit Tuluit Nunaannut EU-imilu nunanut annertuumik sunniuteqassaaq, aammali Kalaallit Nunatsinnut annertuunik sunniuteqassalluni.

Kalaallit Nunaata niueqatigiinnikkut soqtigisaannik siumoortumik taqaqartumik Naalakkersuisut isumaginninnissaat pingaarpooq, minnerunngitsumik siunissami aalisakkanik Tuluit Kunngeqarfiannut tunisaqartarnissamut tunngatillugu. Kalaallit Nunaat tuluit niueqatigiinnermi isumaqatigiissusiorfigerusutaannut siulliunissaa naatsorsutigineqarsinnaanngilaq, nunatsinnili aalisarnermi Tuluit Kunngeqarfiat avammut niuerfiuvoq pingaarutilik.

Kalaallit Nunarput qanittumi sivisuumik atuuttussamik EU-mik aalisarnikkut isumaqatigiissuteqarpoq. Tuluit EU-mi ilaasortaajunnaarneratigut Kalaallit Nunaata akitsuusersugaangitsumik niuersinnaatitaanera tatineqarumaassasoq nalunngilarput.

Qallunaat naalakkersuisui nurat EU-mut ilaasortat ilaattut EU aqqutigalugu Tuluit Kunngeqarfiannik isumaqatiginninniarpoq. Aalisakkat Kalaallit Nunatsinnit avammut tunineqartartut amerlanersaat nunarsuup sinneranut nassiunneqannginnerminni Qallunaat Nunaannut nassiunneqartarmata, qallunaat naalakkersuisuunik qanumut oqaloqateqarnissaq

pisariaqarpoq, taamaalillutik taakku EU-p Tuluillu Kunngeqarfiaata maanna
isumaqatiginninniarnerini Kalaallit Nunatta soqtigisaanik qulakkeerinneqataasinnaaqqullugit.

Apeqquima ullut qulit ingerlaneranni akineqarnissaat kissaatigaara.